

Na osnovu člana 252. tačka 26), a u vezi sa članom 179. stav (4) Zakona o osnovama sigurnosti saobraćaja na cestama u Bosni i Hercegovini ("Službeni glasnik BiH", br. 6/06,75/06, 44/07, 84/09 i 48/10), ministar komunikacija i prometa, u saradnji sa organima nadležnim za obrazovanje, donosi

PRAVILNIK O NAČINU I UVJETIMA ORGANIZIRANJA ISPITA ZA VOZAČA MOTORNIM VOZILA

I. OPĆE ODREDBE

Član 1.

(Predmet)

Ovim Pravilnikom propisuje se način i uvjeti organiziranja ispita za vozača motornih vozila i opći principi za vršenje kontrole nad sprovođenjem polaganja vozačkog ispita.

Član 2.

(Nadležnost)

Za poslove sprovođenja i organiziranja polaganja vozačkog ispita odgovorni su organi entiteta, kantona i Brčko Distrikta Bosne i Hercegovine, nadležni za obrazovanje (u daljem tekstu: nadležni organ).

II. ISPIT ZA VOZAČA MOTORNOM VOZILA

Član 3.

(Ispitne cjeline)

- (1) Ispit za vozača motornog vozila polaže se iz slijedećih oblasti:
 - a) prve pomoći,
 - b) propisa o sigurnosti saobraćaja na cestama, sa osnovama poznavanja motornih i priključnih vozila,
 - c) upravljanja motornim vozilom.
- (2) Ispit iz stava (1) ovog člana polaže se posebno za svaku navedenu oblast i ne sprovodi se u dane praznika, nedjeljom i u vremenu između 20,00 i 06,00 sati narednog dana.
- (3) Kandidat koji polaže ispit iz propisa o sigurnosti saobraćaja na cestama za:
 - a) potkategoriju A1 ne polaže ispit za potkategoriju B1;
 - b) potkategoriju B1 ne polaže ispit za potkategoriju A1;
 - c) kategoriju A ne polaže ispit za kategoriju B;
 - d) kategoriju B ne polaže ispit za kategoriju A;
 - e) potkategoriju C1 ne polaže ispit za kategoriju/potkategoriju C, A, A1, B, B1;
 - f) potkategoriju D1 ne polaže ispit za kategoriju/potkategoriju D, DE, D1E.

Član 4.

(Organiziranje ispita)

Nadležni organ određuje jednu ili više ispitnih komisija, propisuje i organizira način rada ispitnih komisija i ispitivača za pojedine nastavne oblasti, određuje datum, mjesto i vrijeme polaganja ispita, kao i način zaduženja i razduženja dokumentacije i obavještanja kandidata o datumu polaganja.

Član 5.

(Prijava ispita)

- (1) Prijavu za polaganje ispita podnosi kandidat nadležnom organu, u mjestu gdje kandidat ima prebivalište ili u mjestu gdje kandidat ima boravište duže od šest mjeseci, a strani državljanin odobreni boravak ne kraći od šest mjeseci.
- (2) Prijava se podnosi na obrascu datom u Prilogu broj 1. i čini sastavni dio ovog Pravilnika.
- (3) Sastavni dio prijave iz stava (2) ovog člana čini izjava pod punom krivičnom i materijalnom odgovornošću da kandidatu - podnosiocu prijave nije izrečena mjera zabrane

upravljanja motornim vozilom ili zabrane polaganja vozačkog ispita.

- (4) Kandidat, uz prijavu, prilaže:

- a) kopiju lične karte uz obavezan uvid u ličnu kartu kandidata,
- b) uvjerenje o zdravstvenoj sposobnosti za upravljanje motornim vozilom koje ne smije biti starije od godinu dana,
- c) potvrdu autoškole o završenom osposobljavanju iz poznavanja propisa o sigurnosti saobraćaja na cestama,
- d) potvrdu autoškole o završenom osposobljavanju iz upravljanja motornim vozilom,
- e) potvrdu o završenom osposobljavanju iz pružanja prve pomoći,
- f) dokaz o plaćenim troškovima za polaganje ispita,
- g) ovjerenu fotokopiju vozačke dozvole za kategoriju koju posjeduje ili uvjerenje o položenom vozačkom ispitu.

- (5) Strani državljanin koji imaju odobren boravak ne kraći od šest mjeseci uz dokumente iz stava (4) ovog člana prilaže i dokaz o odobrenom boravku.

Član 6.

(Mjesto i vrijeme polaganja ispita)

- (1) Nadležni organ utvrđuje da li kandidat ispunjava uvjete propisane Zakonom i ovim Pravilnikom, te određuje mjesto i vrijeme polaganja ispita o čemu obavještava kandidata i Ispitnu komisiju, odnosno ispitivača, najkasnije 3 dana prije datuma polaganja ispita.
- (2) Nadležni organ dužan je kandidatu koji ispunjava uvjete omogućiti polaganje ispita u roku od 30 dana, od dana prijema prijave za polaganje.
- (3) Kandidat koji ne položi ispit ima pravo ponovnog polaganja, najranije 7 dana nakon posljednjeg neuspjelog polaganja.
- (4) Osoba kojoj je odlukom nadležnog organa izrečena zaštitna mjera zabrane upravljanja motornim vozilom, za kategoriju ili potkategoriju za koju mu je izdata vozačka dozvola, ne može polagati ispit dok traje izrečena zabrana.

Član 7.

(Nepristupanje, odustajanje, udaljavanje sa ispita)

- (1) Kandidat ima pravo, najkasnije 24 sata prije početka ispita odgoditi ispit i bez plaćanja nove naknade pristupiti polaganju ispita u novom terminu.
- (2) Ukoliko kandidat na vrijeme ne pristupi ispitu ili odustane od već započetog ispita, smatrat će se da ispit nije položio.
- (3) Izuzetno od st. (1) i (2) ovog člana, ako kandidat ne pristupi ispitu, a nije mogao blagovremeno odgoditi ispit iz opravdanih razloga, dužan je priložiti odgovarajuću dokumentaciju čiju opravdanost cijeni nadležni organ.

Član 8.

(Ispitna komisija)

- (1) Komisiju čine predsjednik i dovoljan broj sekretara i ispitivača.
- (2) Za predsjednika Komisije imenuje se osoba koja ima licencu predavača teoretske nastave ili licencu za ispitivača teoretskog dijela ispita.
- (3) Za ispitivača iz prve pomoći imenuje se osoba koja ima licencu ispitivača prve pomoći.
- (4) Za ispitivača teoretskog dijela ispita imenuje se osoba koja ima licencu za ispitivača teoretskog dijela ispita.
- (5) Za ispitivača iz upravljanja motornim vozilom imenuje se osoba koja ima licencu za ispitivača iz upravljanja motornim vozilom.

- (6) Ispit iz propisa o sigurnosti saobraćaja na cestama obavljaju dva ispitivača, a ispit iz upravljanja motornim vozilom obavlja jedan ispitivač, osim ako odredbama ovog Pravilnika u posebnim slučajevima nije drugačije određeno.
- (7) Ispit iz upravljanja motornim vozilom mogu obavljati dva ispitivača, ukoliko nadležni organ procijeni da je to opravdano.
- (8) Ukoliko organ nadležan za obrazovanje organizira polaganje ispita iz propisa o sigurnosti saobraćaja na cestama putem računara ispit može obavljati jedan ispitivač.
- (9) U Komisiji ne mogu biti angažirane osobe zaposlene ili angažirane u autoškoli, kao i osobe koje vrše nadzor nad radom Komisije za polaganje vozačkog ispita.

Član 9.

(Obaveze članova Komisije)

- (1) Članovi Komisije za polaganje vozačkog ispita dužni su da ispite sprovedu stručno i u skladu sa propisima.
- (2) Ispitivači su dužni da se predstave kandidatima i da za vrijeme ispita imaju jasno istaknut identifikacioni dokument izdat od strane nadležnog organa.
- (3) Ispitivači su dužni da se prema kandidatima i zaposlenima u autoškoli odnose u skladu sa etičkim i drugim normama ponašanja.
- (4) Ispitivači ne smiju za vrijeme sprovođenja ispita biti pod utjecajem opojnih droga ili alkohola, ne smiju upotrebljavati mobilni telefon niti druge uređaje koji umanjuju pažnju i koncentraciju kandidata za vozača motornih vozila, niti smiju pušiti u vozilu ili u prostoru za polaganje ispita.
- (5) Nadležni organ razrješava dužnosti člana Komisije za koga se utvrdi postupanje suprotno odredbama ovog člana.

Član 10.

(Zapisnik)

- (1) O polaganju ispita vodi se zapisnik koji sadrži: ime i prezime kandidata, redni broj iz registra o polaganju ispita, datum i mjesto polaganja ispita, oznaka testa koji je imao na ispitu, taksativno navedene sve eliminacije i kumulativne greške iz ovog Pravilnika, kao i podatke o greškama koje je kandidat napravio iz teoretskog dijela ispita, odnosno iz upravljanja motornim vozilom i ocjena na ispitu.
- (2) Zapisnik potpisuje predsjednik Komisije i ispitivači koji su sprovodili ispit.
- (3) Izgled i sadržaj Zapisnika dat je u Prilogu broj 2. i čini sastavni dio ovog Pravilnika.

Član 11.

(Identitet kandidata)

- (1) Prije početka ispita, Komisija odnosno ispitivači utvrđuju identitet kandidata na osnovu lične karte ili putne isprave ukoliko se radi o stranom državljaninu sa privremenim boravištem, te daju detaljno uputstvo o načinu rješavanja testova i drugim uvjetima na ispitu.
- (2) Obaveza je ispitivača da prije početka ispita rasporedi kandidate za nesmetano i samostalno rješavanje testova, saopći vrijeme trajanja ispita i iz prostorija udalji sva lica koja ne polažu ispit i nisu članovi Komisije, osim lica nadležnih za kontrolu i lica koja imaju posebno ovlaštenje nadležnog organa.
- (3) Obaveza je ispitivača da ispit započne u zakazano vrijeme.
- (4) Ukoliko ispitivač ne može započeti ispit u zakazano vrijeme ili je iz određenih razloga prinuđen prekinuti

sprovođenje ispita dužan je o tome obavijestiti nadležni organ ili neposredno nadređeno lice i postupiti po njegovim uputstvima.

Član 12.

(Ometanje ispita)

- (1) Ispitivač će udaljiti sa ispita kandidata i smatrat će se da kandidat nije položio ispit ukoliko kandidat:
 - a) ometa rad ispitivača,
 - b) oštećuje imovinu ili materijalna dobra,
 - c) koristi nedopuštena sredstva,
 - d) na drugi način ometa ispit.
- (2) Ispitivač će prekinuti ispit u slučaju da instruktor vožnje koji je angažiran od strane kandidata na ispitu komentariše, sugerije, pomaže ili na bilo koji drugi način ometa ispit i smatrat će se da kandidat nije položio ispit.
- (3) Ispitivač će prekinuti ispit u slučaju da drugo lice ometa ispit i postupiti u skladu sa članom 11. stav (4) ovog Pravilnika.

Član 13.

(Ispit iz poznavanja propisa o sigurnosti saobraćaja)

- (1) Ispit iz poznavanja propisa o sigurnosti saobraćaja na cestama polaže se pismeno, putem testa odnosno korištenjem računara, u grupi od najmanje pet a najviše 30 kandidata.
- (2) Izuzetno, u slučaju da ne postoji dovoljan broj prijavljenih kandidata za održavanje ispita, a potrebno je osigurati poštovanje roka za organiziranje ispita iz člana 6. ovog Pravilnika, nadležni organ može organizirati ispit i za kandidata ili grupu manju od pet kandidata.
- (3) Pitanja u testu su vrijednovana određenim brojem bodova, zavisno od značaja postavljenog pitanja. Testovi za polaganje ispita sadrže pitanja sa jednim ili više tačnih odgovora.
- (4) Osim testa i testovnog listića, kandidat na stolu može imati samo identifikacioni dokument, sredstvo za pisanje i naočare.
- (5) Za vrijeme ispita kandidat ne može na testovnom listiću vršiti bilo kakve ispravke, a u slučaju potrebe, na zahtjev kandidata, daje se novi testovni listić, što se konstatira u zapisniku iz člana 10. ovog Pravilnika.

Član 14.

(Katalog testovnih pitanja)

- (1) Katalog testovnih pitanja sadrži pitanja razvrstana u četiri oblasti, i to:
 - a) Oblast I - Teoretska pitanja,
 - b) Oblast II - Znakovi,
 - c) Oblast III - Raskrsnice i
 - d) Oblast IV - Prva pomoć.
- (2) Testove za polaganje vozačkih ispita formira nadležni organ na osnovu pitanja iz Kataloga testovnih pitanja za odgovarajuću kategoriju/potkategoriju za koju kandidat polaže ispit.
- (3) Pitanja iz Oblasti I mogu se koristiti samo za onu kategoriju/potkategoriju koja je naznačena u Katalogu testovnih pitanja, dok se pitanja iz Oblasti II i Oblasti III odnose na sve kategorije/potkategorije.
- (4) Tačni odgovori na pitanja iz Oblasti I vrijednuju se sa dva boda, iz Oblasti II sa tri, a iz Oblasti III sa pet bodova.
- (5) Tačni odgovori na pitanja iz Oblasti IV vrijednuju se sa jednim bodom.

Član 15.

(Trajanje i ocjena ispita)

- (1) Trajanje ispita iz poznavanja propisa o sigurnosti saobraćaja na cestama i formiranje ispitnih testova obavlja se prema slijedećem:

kategorije/potkategorije za koje kandidat polaže ispit	Broj pitanja po oblastima iz Kataloga testovnih pitanja				Vrijeme trajanja ispita	Broj bodova i vrednovanje testa	
	Oblast I	Oblast II	Oblast III	Ukupno pitanja na testu		Ukupno broj bodova	Minimalan broj bodova koje kandidat mora ostvariti
A, A1 B, B1	20	10	10	40	50 min	120	108
C, C1, C1E, CE D1, D1E, D i DE	30	10	10	50	60 min	140	126
Traktor, radna mašina i motokultivator	10	5	5	20	30 min	60	50
Moped	10	10	10	30	40 min	100	90

- (2) Kandidat je položio ispit ako je na osnovu tačnih odgovora postigao najmanje minimalan broj bodova od ukupnog broja mogućih bodova.
- (3) Ocjenjivanje kandidata vrši se ocjenom "položio" ili "nije položio".
- (4) Kandidatu koji ne položi ispit, saopćavaju se greške koje je napravio prilikom polaganja ispita.
- (5) Ispit iz poznavanja pružanja prve pomoći traje 20 minuta i kandidat rješava test sa deset pitanja iz Oblasti IV Kataloga.
- (6) Kandidat je položio ispit iz poznavanja pružanja prve pomoći ako je ostvario minimalno osam bodova na testu.

Član 16.

(Uvjerenje)

- (1) O položenom ispitu iz poznavanja propisa o sigurnosti saobraćaja na cestama, nadležni organ kandidatu izdaje uvjerenje na obrascu koji je dat u Prilogu broj 3. i čini sastavni dio ovog Pravilnika.
- (2) Izuzetno od odredbi stava (1) ovog člana, o položenom ispitu iz poznavanja propisa o sigurnosti saobraćaja na cestama za traktor, radnu mašinu, motokultivator ili moped, nadležni organ kandidatu izdaje potvrdu na obrascu koji je dat u Prilogu broj 4. i čini sastavni dio ovog Pravilnika.
- (3) O položenom ispitu iz poznavanja pružanja prve pomoći, nadležni organ kandidatu izdaje uvjerenje na obrascu koji je dat u Prilogu broj 5. i čini sastavni dio ovog Pravilnika.

Član 17.

(Ispit iz upravljanja motornim vozilom)

- (1) Kandidat prijavljuje polaganje ispita iz upravljanja motornim vozilom nakon položenog ispita iz poznavanja propisa o sigurnosti saobraćaja na cestama, pružanja prve pomoći te po okončanju osposobljavanja iz upravljanja motornim vozilom.
- (2) Ako je od dana polaganja odgovarajućeg ispita iz poznavanja propisa o sigurnosti saobraćaja na cestama proteklo više od godinu dana, kandidat je dužan ponovo polagati ispit iz poznavanja propisa o sigurnosti saobraćaja na cestama.
- (3) Ispitivač će prije početka ispita iz upravljanja motornim vozilom utvrditi ispunjenost uvjeta za sprovođenje ispita.

Član 18.

(Broj kandidata koji polažu ispit)

Tokom dana jedan ispitivač može obaviti ispit iz praktičnog upravljanja vozilom najviše:

- a) 10 kandidata za kategoriju/potkategoriju A, B, BE, A1, B1, ili

- b) 8 kandidata za kategoriju/potkategoriju C, CE, C1, C1E, ili
- c) 6 kandidata za kategoriju/potkategoriju D, DE, D1, D1E, ili
- d) 10 kandidata različitih kategorija/potkategorija.

Član 19.

(Uvjeti u kojima se obavlja ispit)

- (1) Kandidat sve radnje u toku ispita prilagođava uvjetima u kojima se ispit sprovodi i vozi tako da ne ugrožava ostale učesnike u saobraćaju.
- (2) Ispit se ne može obavljati na vozilu koje nema propisane uređaje i opremu, te ispunjene druge uvjete u skladu sa Zakonom.
- (3) Ispit neće početi ako je kandidat pod utjecajem alkohola, opojnih droga i lijekova koji se ne smiju upotrebljavati prije ili za vrijeme vožnje, umoran, bolestan ili takvog psihofizičkog stanja da nije sposoban sigurno upravljati vozilom ili ako sprovođenje ispita ometa neka druga osoba.
- (4) U slučaju iz stava (3) ovog člana, smatrat će se da kandidat nije pristupio ispitu.

Član 20.

(Naknade)

- (1) Visinu naknade troškova za polaganje ispita za vozača motornih vozila utvrđuje nadležni organ.
- (2) Visinu naknade za instruktora vožnje za učešće na ispitu i korištenje vozila za ispit, utvrđuje autoškola.

Član 21.

(Greške na ispitu)

- (1) Prije početka ispita, ispitivač daje uputstva o načinu sprovođenja ispita i od kandidata traži izjašnjenje da li želi da mu se greške saopćavaju u toku ili nakon završetka ispita.
- (2) Pod greškom kandidata podrazumijevaju se radnje i postupci kandidata za vozača koje odstupaju od radnji i postupaka propisanih Zakonom, ovim Pravilnikom i drugim propisima iz oblasti sigurnosti saobraćaja, a koje su navedene u Obrascu ocjenjivanja iz upravljanja u Prilogu broj 2.
- (3) Na ispitu iz upravljanja motornim vozilom ispitivač je dužan evidentirati i unijeti u zapisnik sve greške koje je kandidat počinio na ispitu.
- (4) Evidentiranje grešaka iz stava (2) ovog člana ispitivač vrši nakon utvrđene greške.
- (5) Nakon završetka ispita iz upravljanja, ispitivač vrši vrijednovanje ispita.
- (6) Greške koje se evidentiraju su navedene u Zapisniku o polaganju ispita za vozača iz upravljanja i date su u Prilogu broj 2.
- (7) Ispit se vrijednuje tako što se broj bodova za evidentirane greške sumira za odgovarajuću kategoriju/potkategoriju za koju kandidat polaže ispit.
- (8) Ukoliko kandidat nakon vrijednovanja ima manje od 100 bodova, smatrat će se da je položio ispit.
- (9) U slučaju iz člana 24. ovog Pravilnika, kad ispit sprovede dva ispitivača, greške evidentiraju oba ispitivača na posebnim zapisnicima, a vrijednovanje u skladu sa stavom (6) ovog člana se vrši posebno za svaki od zapisnika i smatrat će se da je kandidat položio ispit ako svaki od ispitivača na zapisniku evidentira manje od 100 bodova.
- (10) Kandidatu koji ne položi ispit iz upravljanja motornim vozilom na javnoj cesti, lično se saopćavaju greške koje je napravio u toku polaganja ispita.

Član 22.

(Postupanje u slučaju saobraćajne nezgode)

- (1) Ako se za vrijeme polaganja ispita iz upravljanja vozilom dogodi saobraćajna nezgoda, ili vozilo na kome se polaže ispit postane tehnički neispravno, u tolikoj mjeri da nije sigurno nastaviti polaganje ispita, ispitivač prekida ispit.
- (2) U slučaju iz prijednog stava, ispit se nastavlja u narednom ispitnom terminu a u slučaju da se ne nastavi krivicom kandidata, smatrat će se da je kandidat odustao od polaganja ispita.

Član 23.

(Tok ispita)

- (1) Tokom ispita ispitivač utvrđuje da li je kandidat stekao potrebna znanja i vještine za sigurno i samostalno upravljanje vozilom u datim saobraćajnim uvjetima u pogledu:
 - a) pregleda i pripreme vozila za početak vožnje,
 - b) vještine rukovanja komandama i uređajima na vozilu,
 - c) upravljanje vozilom u skladu sa propisima i pravilima saobraćaja te okolnostima na cesti,
 - d) odnosa prema drugim učesnicima u saobraćaju,
 - e) osmatranja saobraćaja i načina korištenja ogledala za vozača,
 - f) prilagođavanja brzine kretanja vozila konkretnim uvjetima saobraćaja i usklađivanje radnji upravljanja vozilom,
 - g) sigurnog pretjecanja, obilaženja i mimoilaženja,
 - h) zapažanja saobraćajnih znakova i način postupanja po njima,
 - i) ponašanje u skladu sa načelima defanzivne vožnje,
 - j) predviđanja opasnih situacija u saobraćaju i blagovremeno preduzimanje odgovarajućih radnji.
- (2) Za vrijeme ispita, u vozilu se nalaze kandidat za vozača koji upravlja vozilom i ispitivač, a može biti prisutan predsjednik Komisije, njegov zamjenik, lica ovlaštena od nadležnog organa za vršenje kontrole, kao i drugo lice koje ima posebno ovlaštenje nadležnog organa.
- (3) Za vrijeme ispita, u vozilu se nalazi i instruktor vožnje, na sjedištu sa kojeg ima pristup duplim komandama i koji ne utječe na obavljanje radnji kandidata, osim u slučaju objektivnog ugrožavanja sigurnosti saobraćaja.
- (4) Lice kojem je odlukom nadležnog organa izrečena zaštitna mjera zabrane upravljanja motornim vozilom, za kategoriju ili potkategoriju za koju mu je izdata vozačka dozvola, ne može polagati ispit dok traje izrečena zabrana.
- (5) Instruktor vožnje iz stava (3) ovog člana, kome je odlukom nadležnog organa izrečena zaštitna mjera zabrane upravljanja motornim vozilom ne može prisustvovati ispitu.

Član 24.

(Trajanje ispita i uvjerenje o položenom ispitu)

- (1) Vrijeme trajanja ispita iz upravljanja za kategorije/potkategorije A, A1, B i B1 je najmanje 25 minuta a za ostale kategorije je najmanje 35 minuta.
- (2) Kandidatu koji položi ispit izdaje se uvjerenje na obrascu koji je dat u Prilogu broj 6. i čini sastavni dio ovog Pravilnika.
- (3) Kandidat koji ne položi ispit iz upravljanja motornim vozilom nakon četiri pokušaja, svaki naredni put ispitivanje kandidata sprovode dva ispitivača.
- (4) Kandidat koji ne položi ispit iz upravljanja motornim vozilom nakon pet pokušaja, svaki naredni put dužan je priložiti potvrdu autoškole o sprovedenom dodatnom

osposobljavanju nakon prijednog ispita za kategoriju/potkategoriju za koju polaže ispit.

- (5) U slučaju iz stava (3) ovog člana prilikom polaganja vozačkog ispita za kategoriju/potkategoriju C, C1, CE i C1E jedan član Komisije se nalazi u vozilu sa kandidatom, a drugi u drugom vozilu koje prati vožnju kandidata i koje obezbjeđuje kandidat.

Član 25.

(Ispit za vozača kategorije B, C, D, B1, C1, D1, BE, C1E, CE, D1E, DE)

- (1) Ispit iz upravljanja za vozača kategorije/potkategorije B, C, D, B1, C1, D1, BE, C1E, CE, D1E, DE, polaže se samo na javnoj cesti u gradu.
- (2) Kandidat koji polaže ispit iz upravljanja motornim vozilom za potkategoriju C1 obavezan je dati na uvid vozačku dozvolu B kategorije ili uvjerenje o položenom ispitu za vozača B kategorije ukoliko nema vozačku dozvolu.

Član 26.

(Ispit iz upravljanja motornim vozilom A kategorije i A1 potkategorije)

- (1) Ispit iz upravljanja za vozača kategorije A i potkategorije A1 polaže se na poligonu i na javnoj cesti u gradu.
- (2) Na poligonu kandidat, na osnovu instrukcija ispitivača koji izvršavanje radnji prati van vozila, izvodi slijedeće radnje:
 - a) polazak sa mjesta, održavanje pravca i ravnoteže u vožnji u drugom stepenu prijenosa na liniji dužine 35 m i širine 0,5 m i zaustavljanje ispred stop linije, zatim okretanje motocikla i vožnja na liniji u suprotnom smjeru,
 - b) polazak sa mjesta, održavanje pravca, ravnoteže i vožnja slalom u prostoru dužine 35 m i širine 2,5 m obilježen ili označen čunjevima u razmaku za 1,5 dužinu motocikla.
- (3) Kandidat može ponoviti radnje ako ih prvi put nije uspješno izveo i ako ih ni drugi put ne izvede uspješno smatra se da nije položio ispit na poligonu te ne može polagati ispit na javnoj cesti.
- (4) Kandidata koji polaže ispit za kategoriju A i potkategoriju A1, na javnoj cesti u gradu ispitivač prati drugim vozilom i izdaje uputstva pomoću uređaja za komunikaciju na daljinu (komunikatorom).
- (5) Kandidat koji nije položio ispit iz upravljanja vozilom na javnoj cesti u gradu ponovo polaže samo taj dio ispita.

Član 27.

(Poligon za polaganje ispita)

Dimenzije i saobraćajno-tehnički elementi poligona, odnosno način obilježavanja drugog prostora na kome se polaže dio ispita iz upravljanja motornim vozilom, prikazani su na crtežima datim u Prilogu broj 7. i čini sastavni dio ovog Pravilnika.

Član 28.

(Prigovori i žalbe)

- (1) Kandidat ima pravo prigovora na način ispitivanja i ponašanja ispitivača za vrijeme ispita, odmah po završetku ispita, što evidentira ispitivač, o čemu odlučuje predsjednik Komisije u roku od tri dana od završetka ispita.
- (2) Ukoliko nije zadovoljan odlukom predsjednika Komisije kandidat ima pravo žalbe organu nadležnom za obrazovanje u roku od 8 dana.
- (3) Kandidat ima pravo žalbe na uvjete pod kojima je sproveden ispit, organu nadležnom za obrazovanje, u roku od 8 dana od polaganja ispita.

- (4) U slučaju osnovanosti žalbe iz st.(1), (2) i (3) ovog člana, ispit se polaže pred dva ispitivača, bez plaćanja nove naknade za polaganje ispita.

III. EVIDENCIJA O POLAGANJU VOZAČKOG ISPITA

Član 29.

(Vođenje evidencije)

- (1) Nadležni organ vodi Registar polaganja ispita za vozače motornih vozila, koji sadrži: redni broj, prezime i ime kandidata i ime jednog od roditelja, datum i mjesto rođenja, adresu stanovanja, kategoriju za koju kandidat polaže ispit, na obrascu koji je dat u Prilog broj 8. i čini sastavni dio ovog Pravilnika.
- (2) Registar se zaključuje na kraju svake kalendarske godine i čuva se kao dokument trajne vrijednosti.
- (3) Nadležni organ vodi evidenciju o kandidatu koja sadrži: prijave za ispit, potvrde o završenom osposobljavanju, izdata uvjerenja o položenom ispitu, zapisnike i testovne listove sa ispita, uplatnice za polaganje ispita, ljekarsko uvjerenje, i istu je dužan čuvati u periodu od pet godina.

IV. ORGANIZACIJE KOJE SPROVODE ISPIT

Član 30.

(Potrebni uvjeti)

- (1) Nadležni organ organizira sprovođenje ispita u odgovarajuće opremljenom učioničkom prostoru koji u pogledu materijalno tehničkih sredstava osigurava kvalitetno sprovođenje ispita, u svakom ispitnom mjestu.
- (2) Prostor za sprovođenje teoretskog dijela ispita ne može biti u prostorijama autoškole ili organizacije koja u svom sastavu ima autoškolu.
- (3) Organi iz stava (1) ovog člana dužni su osigurati informatičku opremu i odgovarajući program koji omogućava povezivanje ispitnih mjesta i ispitnih centara u jedinstveni informacijski sistem.
- (4) Organi iz stava (1) ovog člana mogu prostorije u kojima se sprovodi polaganje teoretskog dijela ispita opremiti video nadzorom i isti koristiti u postupku kontrole nad sprovođenjem polaganja vozačkog ispita.

Član 31.

(Ispitno mjesto)

- (1) Polaganje ispita za vozača motornih vozila iz upravljanja motornim vozilom obavlja se u mjestu koje ima:
 - a) ceste opremljene vertikalnom i horizontalnom signalizacijom,
 - b) ceste sa uzdužnim usponom i nagibom,
 - c) raskrsnice cesta sa po dvije saobraćajne trake za jedan smjer,
 - d) raskrsnice cesta s prvenstvom prolaza,
 - e) raskrsnice cesta sa uređajima za davanje svjetlosnih signala-semafori,
 - f) raskrsnice cesta iste važnosti,
 - g) mrežu saobraćajnica sa intezitetom i gustom saobraćaja,
 - h) sistem raskrsnica sa dvosmjernim i jednosmjernim režimom saobraćaja,
 - i) parking prostor, odnosno površine.

- (2) Postojanje uvjeta iz stava (1) ovog člana utvrđuju organi nadležni za obrazovanje i unutrašnje poslove.

Član 32.

(Vozilo za polaganje ispita)

- (1) Polaganje ispita iz upravljanja obavlja se u vozilu autoškole koje je kao takvo odobreno za korištenje u procesu osposobljavanja kandidata za vozače od strane nadležnog organa.
- (2) Vozilo za polaganje ispita obezbjeđuje kandidat.
- (3) Osobe sa invaliditetom mogu polagati ispit iz upravljanja motornim vozilom koje je specijalno prilagođeno njihovim individualnim tjelesnim nedostacima, pod uvjetom da za vrijeme polaganja koriste potrebna pomagala (naočare, proteze i dr.), odnosno da ispit polažu na motornom vozilu sa automatskim mjenjačem, vlastitim ili iznajmljenim vozilom.

Član 33.

(Informacije od javnog značaja)

Nadležni organ javno objavljuje statističke podatke, kao i druge relevantne podatke od javnog značaja, o polaganju ispita za vozače, najmanje jednom godišnje, u skladu sa važećim propisima iz oblasti zaštite ličnih podataka.

Član 34.

(Opći principi kontrole)

- (1) Nadzor nad sprovođenjem ovog Pravilnika sprovodi nadležni organ putem stručnog organa.
- (2) Prilikom nadzora utvrđuje se:
 - a) ispunjenost uvjeta za rad u pogledu prostorija i angažiranih članova Komisije,
 - b) vođenje evidencija,
 - c) sprovođenje ispita iz poznavanja propisa o osposobljavanju, ispita iz prve pomoći i ispita iz upravljanja motornim vozilom.

Član 35.

(Prilozi Pravilnika)

Obrascu koji su u prilogu i čine sastavni dio Pravilnika izdaje nadležni organ.

V. ZAVRŠNE ODREDBE

Član 36.

(Prestanak važenja)

Danom stupanja na snagu ovog Pravilnika prestaje primjena odredaba Pravilnika o osposobljavanju za vozača motornih vozila ("Službeni glasnik BiH", br. 15/07, 20/07, 41/07 i 43/07) koje se odnose na način i uvjete organiziranja ispita za vozača motornih vozila i to čl. 1., 2., 23., 24., 25., 26., 27., 28., 29., 30., 31., 32., 33., 34., 35., 36., 37., 38., 39., 40., 41., 42., 43., 44., 45., 46., 47., 48., 49., 50., 51., 60., 61., 65., 66., 67., i 68.

Član 37.

(Stupanje na snagu i primjena)

Ovaj Pravilnik stupa na snagu 01.08.2012. godine.

Broj 01-02-2-3451/12
23. maja 2012. godine
Sarajevo

Ministar
Damir Hadžić, s. r.

Prilog br. 1

(nadležni organ obrazovanja)

PRIJAVA**Redni broj registra:****Za polaganje ispita za vozača**

poznavanje propisa o sigurnosti saobraćaja na cestama;

program prve pomoći;

upravljanje motornim vozilom.

Molim da mi se odobri polaganje ispita za vozača. O sebi dajem slijedeće podatke:

1.	Ime i prezime	
2.	Ime jednog roditelja	
3.	Datum, mjesto rođenja i JMB	
4.	Državljanstvo	
5.	Zanimanje	
6.	Adresa stanovanja	
7.	Za koju kategoriju polaže ispit	
8.	Auto-škola u kojoj je obavljeno osposobljavanje	
9.	Broj izlaska na ispit	
10.	Da li posjeduje vozačku dozvolu za koju kategoriju vozila, kada je i pod kojim brojem izdata	
11.	Da li je podnosiocu prijave izrečena mjera zabrane izdavanja, odnosno oduzimanja vozačke dozvole, ako jest od koga i za koje vrijeme	

Uz prijavu prilažem:

1.
2.
3.
4.
5.

Prilažem na uvid:

- ljeakarsko uvjerenje;
-
-

Ovim putem, pod punom krivičnom i materijalnom odgovornošću izjavljujem da mi nije izrečena mjera zabrane upravljanja motornim vozilom ili zabrana polaganja vozačkog ispita.

Izjavljujem da dopuštam nadležnom organu da lične podatke navedene u prijavi koristi u službene svrhe radi provjere tačnosti navedenih podataka i upotrebe istih u informacionom sistemu za polaganje ispita. Potpisom ove prijave dajem dopuštenje za izvođenje svih radnji u vezi sa obradom podataka u skladu sa Zakonom o osnovama sigurnosti saobraćaja i Pravilnikom o polaganju vozačkih ispita, što obuhvata uvid, obradu, arhiviranje i kasniju upotrebu podataka u službene svrhe. Izjavljujem da su podaci istiniti, tačni i potpuni.

U
..... god.

Podnosilac prijave

Na osnovu prijave i dokumenata priloženih, odobrava se kandidatu
polaganje ispita za vozača

Polaganje ispita održat će se dana godine u mjestu
..... sa početkom u sati.

U
..... god.

Potpis ovlaštenog lica

SLUŽBENE ZABILJEŠKE

Prilog br. 2

Redni broj registra: _____

ZAPISNIK**O POLAGANJU ISPITA ZA VOZAČA MOTORNOG VOZILA**

Ime i prezime kandidata

Dan, mjesec i godina polaganja ispita

A) PROPISI O SIGURNOSTI SAOBRAĆAJA

Članovi Ispitne komisije:

1. Ispitivač

2. Ispitivač

Broj testa, bodova

Ocjena

Potpis članova Komisije:

1. Ispitivač

2. Ispitivač

B) PROGRAM PRVE POMOĆI

Član Ispitne komisije:

Ispitivač

Broj testa, bodova

Ocjena

Potpis člana Komisije:

Ispitivač

**C) UPRAVLJANJE MOTORNIM VOZILOM NA POLIGONU
(Kategorije A i potkategorije A1)**

Ispitivač

Greške koje je kandidat počinio u toku vožnje:

.....
.....
.....
.....

Ocjena

Potpis ispitivača

.....

D) UPRAVLJANJE MOTORNIM VOZILOM NA JAVNOM PUTU

Ispitivač

Greške koje je kandidat počinio u toku vožnje, prema obrascu za ocjenjivanje.

Ocjena

Potpis ispitivača

.....

Konačna ocjena

Predsjednik Ispitne komisije:

.....

OBRAZAC ZA OCJENJIVANJE UPRAVLJANJA*

Mjesto:, datum:

Kategorija

Ime i prezime kandidata

Reg.br. vozila

Početak ispitasati, stanje km sata:

Završetak ispitasati, stanje km sata:

Relacija:

	Broj bodova	Evidentirano (označiti)	Ukupan broj bodova	Dodatni opis greške kandidata:	Broj evidentiranih greški kandidata (označiti)
PRIPREMA ZA VOŽNJU					
1. Obavljanje pregleda prije upotrebe vozila	10				
2. Prilagodavanje vozačkog sjedišta i ogledala	10				
3. Korišćenje sigurnosnog pojasa	100				
4. Upotreba svjetala	30				
5. Korišćenje opreme vozila	10				
6. Postupak pokretanja motora	10				
7. Provjera da li su zatvorena sva vrata na vozilu	10				
<i>Samo za „C“, „CE“, „D“, „DE“</i>					
8. Provjera signalnih i kontrolnih uređaja	10				
9. Popunjavanje i postavljanje tahografskog listića	30				
10. Prikopčavanje/otkopčavanje priključnog vozila	10				
11. Provjera količine i pritiska zraka u sistemu kočenja	20				
UKLJUČIVANJE VOZILOM U SAOBRAĆAJ					
12. Polazi sa mjesta trzanjem, motor se gasi	20				
13. Polazi sa uključenom ručnom kočnicom	20				
14. Vozilo se vraća unazad prilikom polaska	20				
15. Odgovlači trenutak uključanja u saobraćaj, neodlučan	20				
VOŽNJA U SAOBRAĆAJU					
16. Ne prilagodava brzinu i nepropisno mijenja stepene prijenosa	20				
17. Zauzima nepravilan položaj vozilom u saobraćajnoj traci	20				
18. Vozi nedozvoljenom kolovoznom/saobraćajnom trakom	100				
19. Ne održava sigurnosni razmak vozila u koloni	30				
20. Nepravilno rukuje upravljačem, drži upravljač nepravilno	20				
21. Drži nogu na papučici spojke za vrijeme vožnje	20				
22. Nepravilno usporava, naglo i forsirano koči	30				
23. Nepravilno vozi na nizbrdici/uzbrdici, ne prilagodava stepen prijenosa	20				
24. Ne koristi zvučne i svjetlosne znake upozorenja	10				
25. Ne koristi propisno svjetla u vožnji, u zavisnosti od saobraćajne situacije	30				
<i>Samo za „B“, „BE“, „C“, „CE“, „D“, „DE“</i>					
26. Ne kontrolira vozilo pri vožnji unazad, gubi pravac, izlazi iz trake	30				
27. Nepravilan položaj tijela i ruku na upravljaču, nepravilno rukuje upravljačem	20				
<i>Samo za „A“ i „AI“</i>					
28. Ne koristi zaštitnu kacigu u skladu sa uputstvom proizvođača	100				
29. Nepravilno rukuje ručicom spojke, akceleratora, kočnice, motor se gasi	20				
30. Ne daje znakove rukom ili pokazivačem smjera	50				
31. Kreće se van staze	100				
32. Nepravilno koči ili zaustavlja motocikl	30				
33. Spušta nogu na tlo ili gubi ravnotežu	50				
POLUKRUŽNO OKRETANJE					
34. Nepravilno izvodi radnju polukružnog okretanja (dva pokušaja)	100				
POSTUPANJE PREMA ZNAKOVIMA U SAOBRAĆAJU					
35. Ne postupa u skladu sa znacima koje daju ovlaštena lica	100				
36. Ne postupa u skladu sa svjetlosnim saobraćajnim znakovima	100				

37. Ne postupa u skladu sa saobraćajnim znakovima izričitih naredbi	100									
BRZINA KRETANJA										
38. Ne prilagodava brzinu kretanja vozila uvjetima ceste i saobraćaja	50									
39. Ne prilagodava brzinu kretanja vozila pri pretjecanju, obilaženju, ...	50									
40. Prebrzo/presporo se približava i kreće kroz raskršnicu	50									
41. Skreće, ili prolazi krivinom neodgovarajućom brzinom	50									
42. Prekoračuje ograničenu brzinu, ili prekasno smanjuje brzinu	100									
43. Ne prilagodava brzinu pri nailasku na djecu u blizini kolovoza	50									
44. Vozi nesigurno u višim stepenima prijenosa	50									
PARKIRANJE VOZILA										
45. Nije pravilno parkirao vozilo, nije pravilno osigurao od kretanja (dva pokušaja)	100									
46. Ne kontrolira vozilo, prelazi gabarite parkirne površine (dva pokušaja)	100									
47. Uudara u drugo vozilo, ivičnjak ili drugi objekat	100									
UPOZORENJE O NAMJERI IZVOĐENJA RADNJE										
48. Ne uključuje pokazivač smjera za vožnju unazad	30									
49. Ne daje ili ne daje pravovremeno znakove pokazivačima smjera	50									
50. Ne isključuje pravovremeno pokazivač smjera	20									
POLAZAK VOZILA NA UZDUŽNOM NAGIBU										
51. Nepravilno polazi pomoću ručne kočnice (dva pokušaja)	100									
52. Nepravilno polazi pomoću nožne kočnice (dva pokušaja)	100									
53. Ne može krenuti na uzbrdici-nizbrdici, motor se gasi (dva pokušaja)	100									
54. Vozilo se vraća unazad tako da je ugrožena sigurnost saobraćaja	100									
VOŽNJA RASKRŠNICOM I POŠTOVANJE PRVENSTVA PROLAZA										
55. Nepravilno se zaustavlja u zoni preglednosti na raskršnici	50									
56. Postupa nepropisno prema pješacima	100									
57. Ne zna, neodlučan, ne poštuje ili nasilno ostvaruje prvenstvo prolaza	100									
58. Ne odustaje od prednosti prolaska	100									
ZAUSTAVLJANJE VOZILA										
59. Nepravilno koči, zaustavlja vozilo u neodgovarajućem stepenu prijenosa	20									
60. Nije zaustavio vozilo na sigurnom i propisnom mjestu	50									
61. Nije osigurao vozilo od kretanja	30									
UTVRĐIVANJE UVJETA ZA SIGURNO OBAVLJANJE RADNI SA VOZILOM U SAOBRAĆAJU										
62. Nije se uvjerio da radnje može obaviti bez opasnosti	30									
63. Nepravilno i nedovoljno provjerava saobraćajnu situaciju	30									
64. Ne provjerava uvjete koristeći vozačka ogledala	30									
65. Ne provjerava ili nedovoljno provjerava uvjete vožnje okretanjem glave	30									
PRESTROJAVANJE, SKRETANJE I VOŽNJA KRIVINAMA										
66. Prestrojava se nepravilno ili prekasno,	30									
67. Pri skretanju nepropisno zauzima ili mijenja saobraćajnu traku	30									
68. Pogrešno koristi traku za usporenje/isključivanje ili ubrzanje/uključivanje	30									
69. Pri skretanju vozi nepravilnom putanjom	30									
70. Pri skretanju ili u krivini nepravilno koči ili pritišće papučicu spojke	30									
71. Nepravilno izlazi iz krivine ili vozi slalom	30									
MIMOILAŽENJE, PRETJECANJE, OBILAŽENJE										
72. Pri mimoilaženju/pretjecanju/obilaženju ne održava dovoljan razmak	30									
73. Ne propušta vozila prema pravilima mimoilaženja	50									
74. Pretječe ili obilazi na nedozvoljenom, ili nesigurnom mjestu	100									
75. Neodlučan je ili rizičan kod izvođenja pretjecanja	40									
76. Pri pretjecanju ili obilaženju čini nepravilnu putanju vozilom	30									
ODNOS KANDIDATA PREMA DRUGIM UČESNICIMA U SAOBRAĆAJU										
77. Ometa ili ugrožava kretanje pješaka ili biciklista	100									
78. Na iznenadne saobraćajne situacije ne reagira	100									
79. Ne prati saobraćajne situacije, ne reagira na greške drugih	50									
80. Zapinje ili udara u objekat ili drugog učesnika u saobraćaju	100									
81. Nekorektan prema drugim učesnicima/nepredvidljivo reagira	100									
ODNOS INSTRUKTORA VOŽNJE ZA VRLJEME POLAGANJA ISPITA										
82. Instruktor pomaže kandidatu (verbalno, rukom, glavom, pokretom...)	100									
83. Instruktor reagira na opasnu radnju upotrebom komandi vozila	100									
84. Kandidat ili instruktor ometaju provođenje ispita	100									
OSTALE GREŠKE										
85.										
86.										

* Za ocjenu jedne saobraćajne situacije može se evidentirati samo jedna greška koja najviše odgovara opisu situacije.

Broj bodova: _____

Prilog br. 3

Serijski broj UBS 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu iz
poznavanja propisa o sigurnosti saobraćaja na cestama

_____ kandidat za vozača motornog vozila kategorije/
(Ime i prezime)
podkategorije _____ rođen ___/___/20__ godine, sa prebivalištem u _____

dana _____ 20__ godine uspješno je položio ispit iz poznavanja propisa o sigurnosti saobraćaja na cestama za kategoriju/podkategoriju: _____.

Ovo uvjerenje važi godinu dana od dana izdavanja.

M.P.

Potpis odgovornog lica

.....
.....

Serijski broj UBS 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu iz
poznavanja propisa o sigurnosti saobraćaja na cestama

_____ kandidat za vozača motornog vozila kategorije/
(Ime i prezime)
podkategorije _____ rođen ___/___/20__ godine, sa prebivalištem u _____

dana _____ 20__ godine uspješno je položio ispit iz poznavanja propisa o sigurnosti saobraćaja na cestama za kategoriju/podkategoriju: _____.

Ovo uvjerenje važi godinu dana od dana izdavanja.

M.P.

Potpis odgovornog lica

Prilog br. 4

**POTVRDA O USPJEŠNO POLOŽENOM
ISPITU IZ POZNAVANJA PROPISA O SIGURNOSTI SAOBRAĆAJA
ZA VOZAČE MOPEDA, TRAKTORA, RADNIH MAŠINA I MOTOKULTIVATORA**

The diagram shows a certificate form with the following layout and dimensions:

- Dimensions:** Total width is 85, total height is 55. A specific section on the right is 30 wide and 35 high.
- Header:** "BOSNA I HERCEGOVINA" with the national coat of arms and "(organ nadležan za obrazovanje)".
- Content:** "POTVRDA", "Eroj: _____ / _____", and a box for "IME I PREZIME".
- Image:** A box labeled "SLIKA" for a photograph.
- Bottom Section:** "POTVRDA O POLOŽENOM ISPITU iz poznavanja propisa o sigurnosti prometa" with checkboxes for "traktor, radna mašina, motokultivator" and "moped". It includes fields for "Datum izdavanja:" and "Potpis ovlaštene osobe:".

Prilog br. 5

Serijski broj UPP 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu iz
poznavanja pružanja prve pomoći

(Ime i prezime) kandidat za vozača motornog vozila kategorije/
podkategorije _____ rođen ___/___/20__ godine, sa prebivalištem u _____,
dana _____ 20__ godine uspješno je položio ispit iz poznavanja pružanja prve pomoći.

Ovo uvjerenje važi godinu dana od dana izdavanja.

M.P.

Potpis odgovornog lica

Serijski broj UPP 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu iz
poznavanja pružanja prve pomoći

(Ime i prezime) kandidat za vozača motornog vozila kategorije/
podkategorije _____ rođen ___/___/20__ godine, sa prebivalištem u _____,
dana _____ 20__ godine uspješno je položio ispit iz poznavanja pružanja prve pomoći.

Ovo uvjerenje važi godinu dana od dana izdavanja.

M.P.

Potpis odgovornog lica

Prilog br. 6

Serijski broj U 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu za vozača motornih vozila

(Ime i prezime) kandidat za vozača motornog vozila kategorije/
podkategorije _____ rođen ___/___/20__ godine, sa prebivalištem u
dana _____ 20__ godine uspješno je položio ispit iz upravljanja motornim vozilom, a time i ispit za vozača
motornih vozila za kategoriju/podkategoriju: _____ u cjelini.

Ovo uvjerenje važi godinu dana od dana izdavanja.

M.P.

Potpis odgovornog lica

Serijski broj U 00000001

(Organ nadležan za obrazovanje)
Broj: _____
Datum: _____

UVJERENJE
o uspješno položenom ispitu za vozača motornih vozila

(Ime i prezime) kandidat za vozača motornog vozila kategorije/
podkategorije _____ rođen ___/___/20__ godine, sa prebivalištem u
dana _____ 20__ godine uspješno je položio ispit iz upravljanja motornim vozilom, a time i ispit za vozača
motornih vozila za kategoriju/podkategoriju: _____ u cjelini.

Ovo uvjerenje važi godinu dana od dana izdavanja.


M.P.

Potpis odgovornog lica

Prilog br. 7


CRTEŽI
 DIMENZIJE I SAOBRAĆAJNO-TEHNIČKI ELEMENTI POVRŠINE
 NA KOJOJ SE VRŠI POLAGANJE VOZAČKOG ISPITA

1. PROSTOR ZA VOŽNJU UNAPRIJED I UNAZAD




- A- ZA MOTOCIKLE
- B- ZA PUTNIČKA MOTORNA VOZILA
- C- ZA TERETNA MOTORNA VOZILA

2. PROSTOR ZA PARALELNO PARKIRANJE




- A- ZA PUTNIČKA MOTORNA VOZILA
- B- ZA TERETNA MOTORNA VOZILA

3. PROSTOR ZA KRETANJE PO NAGIBU



a. SLALOM VOŽNJA ZA MOTOCIKLE



Legenda: l-dužina motocikla

